

SERVICIO **BON DIA**



Riba “Dia di Himno y Bandera” lo duna homenahe na Robert Jeandor na Playa Pabao

PLAYA PABAO – E aña aki atrobe Directiva di Centro di Bario Playa Pabao ta organisa un evento cultural dia 18 di Maart den su centro.

E actividad aki lo cuminsa pa 5’or di atardi y lo termina pa 10’or. Riba programa tin presentacion di e.o Baile di Cinta di sr Mimi Kock, Superdancers, e artistanan di Playa Pabao esta e muchanan di Anglo Kleuterschool, Linette do Nascimento y Chaz Dancers, Olga Buckley y Quincy Hasham. Tambe lo entrega na Robert Jeandor e “Premio Cultural Playa Pabao 2009”. Den

sala principal di centro lo tin un exposicion cu lo ilustra e bida artistico na unda Robert lo ta presente pa duna informacion. Na e exposicion lo tin “longplay”, disco 45 y CD-nan di Aruba su unico yiu y tambe potretnan di Robert den Los Hijos del Rey, hunto cu Johnny Ventura y hopi mas. Hasta lo tin un di e corononan cu Robert a gana na un festival di tumba. Directiva di Centro di Bario Playa ta invita su habitantetena y e pueblo di Aruba engeneral bin centro 18 di Maart y ban duna Robert e homenahe cu e merece.